



KNI A/S-IMI SULISUNUT UTOQQALISUNUT POLITIKKI

13. september 2023



SULISUNUT UTOQQALISUNUT POLITIKKI

Sulisut utoqqalisut pillugit pitsaasumik politikkeqarneq sulisup sivilisunerusumik sulisinnaaneranik pitsaanerusumillu atugassaqartinneqarnissaanik kinguneqassaaq.

KNI-mi sulisut utoqqalisut pillugit politikki siunertarineqarpoq sulisup inuunermini sulereersimalluni soraarninngornissaanut ikaarsaariarnissaa inuttaanut suliffeqarfimmullu toqqissisimanartumik pinissaata qulakkeernissaa.

KNI-mi aqutsisuusup nammineq - sulisup pineqartup oqaloqatigineratigut - sulisup qaqugu soraarninngornissaa naleqqutissanersoq nalilissavaa, aammalu sulisoq utoqqalisuq piffissami aalajangersimasumi atorfinitsinneqassanersoq. Sulisunut utoqqalisunut aqqissuussineq KNI-mut sulisumullu iluaqutaassaaq.

Sulisunut utoqqalisunut politikkip:

- sulisup utoqqalisup soraarninngornissaata tungaanut piffissaq suliffissaasoq tamaat naallugu suliinnarsinnaanera ajornartinneqassanngitsoq imaluunniit piffissap ingerlanerani suliunnaarnissaata tungaanut piffissaq suliffigisartagaata sivililluartuaarneqassanersoq periarfissaatissavaa.
- sulisup utoqqalisup soraarninngorfissaraluami kingorna suliinnarusuppat suliinnarsinnaanera sulisutut utoqqalisutut atorfeqartinneqatigut periarfissaatissavaa.
- sulisut utoqqalisut aqutsinermik akisussaaffeqartut, imaluunniit aalajangersimasumik immikkuullarissumik akisussaaffeqartut, sulisut nikinnissaannut piareersarnermi peqataanissaat periarfissaatissavaa.

Piffissami sivilinnerusumi sulineq

Sulisup utoqqalisup soraarninngornissaanut piffissaq qanilliarthorpat, inuttaatalu piffissami sivilinnerusumi sulisalernissani kissaatigippagu, tamanna pillugu suliffialu isumaqatigiissuteqarfigineqarsinnaavoq. Sulinermi atugassaritinneqartussat akuersinissarlu pisortamut akisussaasumut sulisoqarnermullu pisortamut akueritinneqassapput.

Sulisunut utoqqalisunut atorfik

Sulisunut ukiut soraarninngorfissaasa qaangiutereernerini suliinnarusuttunut utoqqalisutut atorfeqartinneqarsinnaaneq isumaqatigiissutaasinnaavoq. Sulisup suliaqarsinnaanera suliffeqarfiullu pisariaqartitsinera apeqqutaatillugit atorfik piffissaq suliffissaasoq tamakkerlugu atorfeqarnissamik, imaluunniit piffissami sivilinnerusumi sulisinnaanermik, isumaqatigiissusiortoqarsinnaavoq. Sulisoq atorfimmik



ilungersuaaffiunnginnerusumik suliaqarnissaanik neqeroorfigineqarsinnaavoq, taamaattoqassappallu pisortaq akisussaasuusooq sulisoqarnermullu pisortaq akuersiteqqaarneqassapput.

Sulisut nikinnissaannut aaqqissuussineq

Sulisunut utoqqalisunut aqutsinermik akisussaaffeqartunut, imaluunniit aalajangersimasumik immikkuullarissumik akisussaaffeqartunut, nikittoqarnissaanik aaqqissuussinissaq sapinngisamik ingerlanniarneqassaaq. Tamatumani siunertarineqarpoq, assersuutigalugu sulisumik peqateqarnikkut ilinniartitsinikkut aamma/imaluunniit sulisunik suliamik tigusisussatut pilersaarutaasut ilinniartinneqarnerisigut, sulisup immikkut piginnaaneqarfigisai sulisup peqataaneratigut suliffeqarfimmiiginnartinneqarnissaasa qulakkeerneqarnissaa.

Sulisumut namminermut suliffeqarfimmullu pingaaruteqarpoq sulisup inuunermini sulereersimalluni soraarninngornissaanut ikaarsaariarnissami suna naatsorsuutigineqarnerisooq piffissaalluartillugu ersarissumik paaseqatigiiffiunissaa. Tamanna sulisup ineriartornissaanut ukiumoortumik oqaloqatigineqarnerani isumaqatigiissutigineqarsinnaavoq.

Tamanna qaqugukkulluunniit oqaloqatigiissutigineqarsinnaavoq, kingusinnerpaamilli sulisup 64-iliinerani oqaloqatigiissutigineqassaaq.

Oqaloqatiginninneq

Sulisup sulinermini inuunerminilu atugai ataqqillugit oqaloqatigiinnerup toqqissisimasumik ingerlanissaa pingaaruteqarpoq. Piffissaq soraarninngorfissaq sioqqullugu imaluunniit nallereersooq sulisooq pinngitsoorani soraarninngortariaqarnerminik suliinnartariaqarnerminilluunniit misigitinneqassanngilaq, kisiannili piumappat sulilu sulerusuppat tamatumunnga kaammattorneqassaaq.

Oqaloqatigiinnermi sulisup inuunermini sulereersimalluni soraarninngornissaanut ikaarsaariarnissamut tunngatillugu apeqqutit makku oqaluuserineqarsinnaapput:

- Sulisup qaqugu suliunnaarnissani pilersarusiorsimavaa?
- Piffissami sivikinnerusumi, piffissalluunniit suliffiusup allanngortinnissaanik, suliffissaasunik assingisaanilluunniit allannguinnissaq pisariaqartinneqarpa?
- Immikkut ittunik atortorissaaruteqarnissaq aamma/imaluunniit suliassat artukkersornannginerusut suliarinissaat pisariaqartinneqarpa?
- Ulluinnarni sulinermini atukkat suleqatigiinnerlu ajunngillat?
- Piginnaanngorsarnek ilinniaqqinnissarlu qanoq ingerlanneqassappat?

**KNI**

Atorfilinnut 65-it sinnerlugit ukiulinnut tunngatillugu sulisup piffissami
aalajangersimasumik atorfeqartinneqarsinnaanera pisortaasup nammineq
nalilertassavaa.